



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Gaudium Orbis Universi. Sive Lætitia Generis Humani.  
Augustissima Cælestium, Terrestrium, & Infernorum  
Regina, Deipara Virgo, Maria, Ex Qua Per Benedictum  
Fructum Ventris Ejus Post tot Myriades ...**

**Schmucker, Mathias**

**Glacii, 1689**

O Clemens, O Pia, O Dulcis Virgo Maria. Ode XII.

**urn:nbn:de:hbz:466:1-38142**

Totisque natus gaudiis,  
Amoribusque totus.

33.

Qui totus est Humanitas,  
Suavitasque totus,  
Dignatus est qui sanguinis  
Nostratis esse frater,  
Cui nulla pectus efferat,  
Nec turbat ira vultum.  
Nec vindices in dexterâ,  
Nec ore fert sagittas.

34.

Sed quas sagittas dexterâ,  
Et quas gerit sinistrâ,  
Sunt vulnerantis spicula  
Amoris, & sagittæ,  
Quas è pharetra pectoris,  
Cordisque misit arcu  
In nos amoris è cruce  
Testatus esse tela.

35.

Quot namque stillant vul-  
nera.

Tot tela sunt Amantis,  
Nostris Manus amplexibus,  
Pronasque pandit ulnas,  
Inclinat orans verticem,  
Ut annuat petenti,  
Et Cæcus Amor, & nudus, &  
Inermis in nocentes.

36.

Ostende talem fontibus  
Spes Exulum Maria,  
Tui pudoris, Filium,  
Ventrisque Virgo fructum,  
Non iudicem, non vindicem  
In probra sævientem,  
Sed Advocatum fac Patrem  
Ostende, Teque Matrem.

O Clemens, O Pia, O Dulcis Virgo  
M A R I A.

ODE XII.

I.

Hospes, Charisque Vallium  
Habitare sueta petras,  
Specumque, cui tot victimas  
Ad Virgines acerras

Mons Virgo, custos montium  
Nemorumque Diva (a)  
Præses.

F 3

Amor

(a) S. Damasc. orat. 3. de Nativ. B. V. M. Andr. Cret. orat. de  
Assump. Rupert. Ab. l. 2. in Cant. S. Bonav. in spec. Mar.  
Lect. 14. S. Greg. Pap. in lib. 1. Reg. 1. Guerrie. Abb. serm.  
1. de Annunt.

OW  
+

*Amor* sacerdos immolat,  
Quot corda consecrantur.

2.

*Mons Ephraim*, ter dignus es (b)  
*Mons Ephraim* vocari,  
*Mons Ephraim* qui *Montium*  
Sublimis inter omnes  
Excedis unus vertices,  
Infráque Te minores  
Ceu *stirias*, nubigrados  
Temnis, premisque colles.

3.

*Verruca Calpe Saxeæ*,  
Pygmæus Oeta clivus,  
Etnanus Appenninus est,  
Et fungus est Olympus,  
Tubérque terræ Caucasus,  
Pelorus, Othrys, Ossa,  
Parnassus, Ida, Pelion  
Pindus, Pelorus, Hæmus.

4.

Super Planetas altiùs  
Frontem, capútque tollis,  
Et astra cunéta despicias  
Procerior, thronúmque  
Attingis altum Numinis,  
Dióque rore plenus  
Et germinas, & parturis  
Vindemiam salutis.

5.

*Mons Ephraim*, *Mons vitifer*,  
*Mons frugiger* *MARIA!*  
*Mons vite vernans* *Cypriá*,  
*Eng addicis racemis*,  
*Botróque prægnans* *Nectari*  
*Dulcique mellis* *Uvâ*,  
*Totus Falernus* *Ephraim*,  
*Hymettus*, *Hybla*, *Cynth*

6.

In cæterorum vertice (c)  
*Mons Montium* locatus,  
*Opus Potentis* dexteræ,  
*Magni Tonantis* *Ædes*,  
*Sedésque*, quam ter mens  
*Tribus* occupavit *Hol*  
Et in hoc, *Patris spectabilis*  
Se fecit esse *VERBUM*.

7.

*Mons Dive!* stillans balsam  
Et fistulæ medullâ,  
*Guttisq;* myrrhæ, & lac  
*Thuris*, favóque florant  
*Animáque* fragrans cinnam  
*Storacis*, crocique succo  
*Nardi*que spicâ, & liliis  
*Rosis*que, galbanóque

8.

Vallate Cedris Libani,  
Sionis Cypressis,

(b) 1. Reg: 1. S Greg: Pap: in lib. 1. Reg: c. 1. (c) Cantic  
(d) S. Greg: Pap: in lib. 1. Reg: c. 1. (e) Cantic: 1. Eccli  
(f) Eccli. 24.

Palmae Cadanae frondibus,  
 Rosariis Jericho, (g  
 Platani comanti gloria,  
 Et arbutis Olivae,  
 Solisque plene lumine,  
 Et Numinis calore,

9.

Cantate mille laudibus,  
 Celebrate mille linguis,  
 Quo Te, flix encomio,  
 Et licca petra Vates  
 Nulla madens aspergine  
 Divinioris undae  
 Cantabo? qui nec Castalin  
 Bibi, nec Hippocrenen?

10.

Cui plaustra plena plausibus,  
 Navésque devchuntur,  
 Et Virginales personant  
 Odæa mille dotes;  
 Quotquot vagantur sidera,  
 Hærentque fixa cælo,  
 Tot terra plaudit jubilis,  
 Et Astra tot triumphis.

11.

Quis explicet tripudia.  
 Trophæa, ferta, palmas?  
 Cælestiumque mentium,  
 Canora vota, cantus?

Quæ nulla vis mortalium,  
 Oculisve vidit ullus,  
 Nec auribus, nec cordibus  
 Audita curiosis.

12.

Animatur aër musico,  
 Nemorumque lustra cantu,  
 Suis Napææ montibus  
 Oreadésque petris,  
 Castæque Nymphæ vallibus  
 Sacras dicant Camænas,  
 Dryadésque lætos Virgini  
 Discriminant triumphos.

13.

Suam loquaces invocant (h  
 Frondosa tesqua, *Sylva*  
*Quietis*, almam thureis  
 Vaporibus Dianam,  
 Mopsúsque agit Palilia  
 Suæque sacra Divæ,  
 Corydon & Ægon Helveti (i  
*Sanctâ litant Erema,*

14.

Stirus Palæmon *scrupes* (k  
 Spelæa cella *Cellas*,  
 Vallésque saxis horridas,  
 Et *Virgines Cavernas*,  
 Thyrsis canit Conymbrieus (l  
 Versusque cantor addit,  
 F 4 Echó-

(g Ricciolus: apud Hebræos *o* = (h B. V. M. in montibus Tyro-  
 len: siva quietis, seu *Baldtraff*. (i B. v. M. in Helvetia: *Eins*  
*siedel*. (k B. V. M. in Stiria, *Cellentis*. (l B. V. M. de Caverna Co-  
 nymbriæ in Luktania,

Echóque dum reciprocát  
Laudes, reponit audes?

15.

Audet melos Georgica  
Inflare pastor oda,  
Sanctisque carmen Montibus  
Buxúmque mancipare,  
Latiúmque; Montem Virgin: (m) (n)  
Ortámque, Caliúmque,  
Silesios & Zechicos  
Celebrare Pan avená.

16.

Sub Monte Serrá fissili, (n)  
Caváque rupe Pastor,  
Tarteffiorum Præfidem  
Qui collium celebrat,  
Dulcem susurrans Eclogam  
Suavi sonat cicutá,  
Magnæque Damon Virgini  
Iberus addit odas.

17.

Suos Alexis tibiá, (q)  
Cornu suos Amyntas,  
Tilia sub umbra conferunt,  
Et consecrant calores,  
Lætúmque Matri personant  
Pœana Nazarenæ,  
Plenisque plaudunt utribus,  
Et litigant avenis.

18.

Mycon Ravennæ ad Arborem  
Certare par Jólæ,  
Saxo reclinis æmulam  
Arundinem fatigat.  
Movétque litem Tityro  
Sanctâ superbus irâ,  
Et ad coronam provocat,  
Victoriæque palmam.

19.

Est Belga Daphnis, Fois  
Qui servat alta Silva,  
Uni dicatus Quercui,  
Cui se, suosque amori  
Inscribit hirtio cortici,  
Truncóque; NOMEN  
PALISUÆ, TER MAXIMÆ  
ET VIRGINI, ET PERENNI.

20.

HUIC SE PERENNI  
DERE  
VOVET QVE, DE  
CAT QVE  
DAPHNIS, SACRAM  
MANCIPAT  
CHELYN QVE, BAR  
TUM QVE,  
SOLI LOCANDAM GLOB  
ET HOSPITI MARIÆ

(m) B. V. M. in Monte Virgin: in Italia. Paduæ in Italia. Wartem  
Silesia, Przbammii in Bohemia. Montes Sancti. (n) In Monte Serræ  
Hispan: (o) B. V. M. in Tilia, Bavar: Oetinxæ. (p) B. V. M. ad Ar  
borem Ravennæ. (q) B. V. M. Foiensis in Belgio.

CUI QUERCUS ISTA, GRA-  
TIÆ  
EST ARA, DAPHNIS  
IGNIS.

21.

Sunt qui Sabæis regium  
Odoribus tribunal,  
Arabumque Eois imbuunt  
Succis, thronumque gem-  
mis,

Chræsæque gazâ fusiles  
Discriminat columnas,  
Tholique figunt aureas  
Coronidi lucernas.

22.

Sunt qui trophæa Palladi  
Bellique signa sternunt,  
Amazonemque prædicant,  
Heroidem, Camillis  
Robustiore singulis,  
Et omnibus *Judithis*,  
Dei Parentem, *maximi*  
Fortissimam *Gigantis*.

23.

Sunt qui jubar, qui gloriam  
Byssum, decusque formæ,  
Frontis nivem, qui lilia,  
Ebur, ligustra, gemmas,  
Oris rosas, corallia,  
Et purpuram genarum,  
*Rachelis* uni conferant,  
Et imprimant *MARIÆ*.

Proverb 31.

24.

Formosa centum diceris  
Virgo elegantiarum,  
Quam Solis ambit circulus,  
Pedesque Luna lambit,  
Vultu relucent sidera,  
Aurora tota crine,  
Tuumque spirant lumina,  
Frons, ora, lingua *Natura*.

25.

In Te locavit Numen, &  
Natura mater omnes,  
Quascumque vidit uspiam  
Natura pulcritates,  
Vel inclutæ miracula,  
Et monstra rara formæ  
Laudavit Orbis uspiam,  
Helenisque *Gratiisque*.

26.

Multas Sionis Filia (r  
(Magni talenta luxus)  
Superbientis undique  
Mundi tulere gazas,  
Opesque ditis Indiæ,  
Gangeticasque gemmas,  
Tu singulorum copiam  
*ADAMANTE* vincis *UNO*.

27.

Tu solis ostro fulguras,  
Ardesque Solis auro,  
Argenteis Lanæ comis,  
Et cornibus corasceas.

F 5

Amoris

011  
400

Amoris Ære dives es,  
Cælique margaritis,  
Et omnis elegantia, &  
Es plenitudo formæ,

28,

Quæcunque stat formositas,  
Comisque splendor oris,  
Monstrum potest Æfopicum,  
Deformitasque dici:  
Galathea, præ Te, Gellia est;  
Thaisque nigra dentes, (s  
Anusque scabram Caspia  
Rugis arata frontem.

29.

In Te salutant publicam  
*Sara beatitatem,*  
Felicitatis filiam,  
Fausti que *Solis aram,*  
O ara! Sara! mylica  
Salutis ara nostra, (†  
Nostri propago gaudii,  
*Risusque faustitatis.*

30,

In Te Suavis basiant  
*Prudentiam Rebecca,*  
Rari que dotes ingenj,  
Animique *mitatem*  
Nullis malorum fluctibus,  
Nec imbribus solutam,  
Nec Sortis Austris dexteræ,  
Nec Africis sinistra.

31.

Sunt qui *Lia* puerperæ  
*Matrisque dignitatem,*  
Ceu fertilis vindemiæ  
Fructumque ditis horti  
Tuo feracem conferunt  
Uteroque, partuque,  
*Lippam serenæ Cynthia,*  
*Lucique lasciosam.*

32.

*Solertiam,* qui *Debbora,*  
*Sapientiamque Vatis*  
Dignis *Prophetem* canticis  
*Lapidotheam* celebra  
Noctem, diei comparant  
Solisque lumen umbra  
Palmam genitæ, palma  
Rubo, Cedrum myrica

33.

Formosa vultus Numina  
Casto decore torva,  
Virtusque formæ mascula  
Et forma puritati  
Certant, utraque gratia  
Amorne, sanctitatisve  
An castitas amoribus  
Præstet, pudorve formæ

34.

Hæc in pudica prælia  
Animique, corporisque

(s Martial. († Hymn. Græc: apud Bur,

*Hesere*, sacri codicum  
Memorant, canuntque  
fasti:

Ast Te sub umbra Nominis  
Quæ Veritas es umbræ,

*Hesere gratiosior*,  
Deprædicant MARIA,

35.

Duri marita Nabal's,  
Utrisque vinolenti,

David Ducis, quæ vindicem  
Acinacem repressit,

Stultique crimen conjugis  
*Modestia* diremit,

Tuæ est typus *prudencia*,  
Et comitatis icon.

36.

*Susanna casti* nominis, (u  
Et integri pudoris,

Vestalis instar Virginis  
Ferox tueri formam,

Senilibus lenonibus  
Amata, concupita,

Mortem subire pertinax,  
Quam non pudica dici.

37.

Sui severa foederis,  
Thorique conjugal's,

Fideisque constans, nemini  
Secunda foeminarum,

(u Daniel. 13.

Uni subesse Virgini,  
Unique ferre palmam  
*Susanna* supplex cogitur,  
Et nosse castiorem,

38.

O foeminarum foemina!  
O Virginum Virago!

O Gratiarum Gratia!  
Charitum Charis MARIA!

O omnium mortalium  
Mortalis *Una* vitæ,

Salus salutis perditæ,  
Parénsque, conditrixque.

39.

Herois O fortissima,  
Pallásque gloriosa.

Non metienda robori  
Amazonum, nec armis,

Tot laureata præliis  
Victoriisque dives,

Et tot triumphis inclyta,  
Quot censet astra cælum.

40.

In Te velut signaculo  
*Fides* notata *Sara*,

Laudatur *Hospitalitas*  
*Raab*, relucet *Anne*

*Pietas*, *Rutha* *submissio*,  
*Sunamitidis*que *dotes*,

Et omnis excel'ssimæ  
Virtutis altitudo.

41. Hinc



41.

Hinc multa Te panegyris  
 Cælo, solóque parta,  
 Perennibus concentibus  
 Amoribusque mulcent,  
 Superque terras musici  
 Tollunt ad astra cygni,  
 Tuóque cantant Numini.  
 Et Nomini MARIA!

42.

Sint ( cedo palmam gloriæ )  
 Qui floribus coronant  
 Vates, rosisque Rhetores  
 Famam thronúmque Di-  
 væ;  
 Sit fastamen *Clementiam*,  
*Clementiaque seclm*,  
 Et amoris in nos ostium  
 Præ cæteris notare.

43.

*Regem decet Clementia*,  
*Subjectio Clientem*,  
 Ignoscit ille crimini,  
 Fatetur hic reatum,  
 Virtus sit ut *clementia*,  
 Talisque digna dici,  
 Hoc criminis confessio,  
 Facitque culpa noxæ.

44.

Et Te decet *clementia*,  
 Mitisque oliva cordis,

*Regina Dulcis & pia*, Tu Virgo  
 Mel tota, saccharúmque Ferie  
 Et omnis indulgentia,  
*Clementiaque Mater*, Theop  
 Cui sanguis in præcordi Man  
 In nostra vota bullit, Suóque  
 In Da

45.

Habes nocentem supplic  
 Reúmque confitentem  
 Multo rubentem crimine  
 Culpáque compeditum  
 Dignum catastâ Tartari  
 Et angibus Megæarum  
 Et hiantis ore Cerberi,  
 Alvóque glutiendum

46.

Fucare crimen, crimen  
 Cui frons notata noxæ  
 Judex meus, mens, torrens  
 Reatus inquietus,  
 His testibus sententiam  
 Præstolor ultionis,  
 Ni me Tuæ *Clementia*  
 Patrona dextra serve

47.

Perennibus quot ignibus  
 Æternitatis æquor,  
 Et quot Charybdis Tænarum  
 Et Scylla glutiisset?  
 Nicùm vibraret in reos  
 Trisulca tela Numen

Tu Virgo Clemens, dexteram  
Ferientis arcuisses?

48.

Theophilus Chirographo  
Manceps dicatus Orci, (\*)  
Suoque scriptus sanguine  
In Dæmonum cohortem,  
Perfusus ora fletibus,  
Tuam nocens ad aram  
Emmolliit Clementiam,  
Tu Judicis Stateram.

49.

Expertus hic, quem nomino:  
Sunt mille, mille plures,  
Quos gratiarum supplices  
Vis ambiit Tuarum,  
Et quos Tuæ Clementiæ  
Recepit amplitudo,  
Sinusque strinxit obviis,  
Favorque Matris ulnis.

50.

Maria pellex Mempheos,  
Et Idalis Canopi,  
Formosa Siren, Cyprio  
Contagiosa vultu,  
Illex choraga cordium,  
Et mentium Charybdis,  
Scyllæa naufragantium  
Libidinum vorago.

51.

Helena precis Ægyptia  
Nilique nota Lais,  
Supplex ad aram Virginis  
Contrita cor dolore,  
Genas rigata lacrimis,  
Et deprecata culpas,  
Experta Matris gratiam est,  
Et Numinis favorem.

52.

Te deprecante vindicis  
Refedit ira Nati,  
Exasperatas exiit  
Frons explicata nubes,  
Et sol reluxit purior,  
Lumenque gratiarum,  
Et ultor omnes dispulit  
Zelus furoris umbras.

53.

O ergo Clemens subveni,  
Piâque tende dextram,  
Cordis Tui dulcedinem,  
Et amoris adde nectar,  
Ut jure possim dicere  
Exul, Reusque, Salve  
O Virgo, Clemens, O Pia  
Dulcis Parens Maria.

Ad Te

(\*) S. Petr: Damian: serm: 1. de Nat: B. V. S. Bernardus Deprac:  
ad B. V. M. fol. 246. Honorius serm: de Assumpt. S. Antoninus  
4. part: sum: tit: 15. S. Bonavent.